



PESAWAT Air Asia Airbus A320-200 (9MAQD) yang tertera logo Universiti Putra Malaysia dalam majlis pelancaran pemasangan livery pesawat AirAsia di Sepang Aircraft Engineering, Sepang, semalam.

Nama UPM pada pesawat AirAsia

SEPANG 12 Sept. - Universiti Putra Malaysia (UPM) muncul universiti pertama yang mempunyai nama dan logonya dipaparkan di sebuah pesawat Airbus 320-200 milik syarikat penerbangan tambang murah, AirAsia.

Pesawat dengan nombor pendaftaran 9MAQD itu memaparkan logo UPM, slogan *With Knowledge We Serve* serta logo pokok.

Bahagian kokpit pesawat berkenaan turut dihiasi dengan motif-motif berkaitan UPM.

Menteri Pendidikan Tinggi, Datuk

Seri Idris Jusoh berkata, kerjasama antara pihak universiti dan industri seumpama ini perlu diteruskan dalam usaha mewujudkan persekitaran positif bagi kedua-dua pihak.

Ke arah itu katanya, mentaliti berpandukan silo perlu dikikis oleh semua pihak.

“Pelancaran kerjasama UPM dan AirAsia ini merupakan satu testimoni daripada inisiatif program CEO@Faculty yang dijalankan di UPM baru-baru ini.

“Oleh itu, saya berharap kerjasama universiti-industri dapat terus

dipertingkatkan selaras dengan peredaran masa,” katanya kepada pemberita selepas majlis pelancaran pesawat berkenaan di sini hari ini.

Yang turut hadir, Ketua Setiausaha kementerian, Tan Sri Dr. Noorul Ainur Mohd. Nur; Ketua Pegawai Eksekutif Kumpulan AirAsia, Tan Sri Tony Fernandes dan Naib Canselor UPM, Datin Paduka Dr. Aini Ideris.

Sementara itu, Fernandes berkata, kerjasama antara pihak universiti dan industri seperti program CEO@Faculty dapat memberi gambaran sebenar kepada kedua-dua pihak terlibat.